

BOSNA I HERCEGOVINA
FEDERACIJA BOSNE I HERCEGOVINE
Federalna agencija za upravljanje oduzetom imovinom

IZVJEŠTAJ

O RADU I FINANSIJSKO-MATERIJALNOM POSLOVANJU
FEDERALNE AGENCIJE ZA UPRAVLJANJE ODUZETOM IMOVINOM
ZA PERIOD 01.01. – 30.06.2016. GODINE

Sarajevo, juli/srpanj 2016. godine

SADRŽAJ

1.	UVOD	3
2.	NADLEŽNOST AGENCIJE	4
3.	RUKOVOĐENJE I ORGANIZACIJA AGENCIJE	5
3.1.	Rukovođenje	6
3.2.	Organizacija	6
4.	STRATEŠKI CILJEVI	7
4.1.	Uspostavljanje uvjeta za rad Agencije	8
4.2.	Stvaranje uvjeta za preuzimanje imovine i upravljanje sa istom u skladu sa Zakonom	10
4.3.	Razvijanje odgovarajuće metodologije za prikupljanje podataka, statističkih izvještaja i drugih informacija potrebnih za provođenje stručnih analiza iz nadležnosti Agencije	11
4.4.	Uspostavljanje saradnje sa drugim nadležnim institucijama radi obuke državnih i policijskih službenika i nosilaca pravosudnih funkcija iz oblasti finansijskih istraga i oduzimanja imovinske koristi pribavljene krivičnim djelom	12
4.5.	Stvaranje finansijskih preduvjeta za rad Agencije	14
4.6.	Izveštavanje Vlade Federacije, a po potrebi i Parlamenta Federacije kao i cjelokupne javnosti o procesima oduzimanja i upravljanja nezakonito stečenom imovinom	20
5.	FAKTORI USPJEHA RADA I RIZICI	21

Na osnovu člana 29. Zakona o oduzimanju nezakonito stečene imovine krivičnim djelom („Službene novine Federacije BiH“, broj: 71/14), a u vezi sa čl. 17. i 18. Uredbe o planiranju rada i izvještavanju o radu Vlade Federacije Bosne i Hercegovine, federalnih ministarstava i institucija („Službene novine Federacije BiH“, br.: 89/14 i 107/14), te Zaključka Vlade Federacije Bosne i Hercegovine o davanju saglasnosti na Plan rada Federalne agencije za upravljanje oduzetom imovinom za 2016. godinu V.broj: 283/2016. od 02.02.2016. godine, direktor Federalne agencije za upravljanje oduzetom imovinom Vladi Federacije Bosne i Hercegovine p o d o n o s i

IZVJEŠTAJ

O RADU I FINANSIJSKO-MATERIJALNOM POSLOVANJU FEDERALNE AGENCIJE ZA UPRAVLJANJE ODUZETOM IMOVINOM ZA PERIOD 01.01. – 30.06.2016. GODINE

1. UVOD

Federalna agencija za upravljanje oduzetom imovinom (u daljnjem tekstu: Agencija) je nezavisna i samostalna upravna organizacija osnovana Zakonom o oduzimanju nezakonito stečene imovine krivičnim djelom („Službene novine Federacije BiH“, broj: 71/14).

Federalni propisi koji definiraju ovu oblast, a samim tim utiču na rad Agencije, osim navedenog Zakona o oduzimanju nezakonito stečene imovine krivičnim djelom („Službene novine Federacije BiH“, broj: 71/14 - u daljnjem tekstu: Zakon), su Krivični zakon Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05 i 42/10) i Zakon o izvršnom postupku Federacije Bosne i Hercegovine („Službene novine Federacije BiH“, br. 32/03 i 33/06).

Pitanja koja se odnose na izvršenje novčanih kazni, sankcija za privredne presteupe, prekršajnih sankcija i mjera sigurnosti, a koje nisu regulirane Zakonom o izvršenju krivičnih sankcija u Federaciji Bosne i Hercegovine („Službene novine Federacije BiH“, br. 44/98, 42/99 i 12/09), uređena su kantonalnim zakonima.

Na osnovu navedenih zakona, Agencija preuzima i upravlja oduzetom imovinom nezakonito stečenom krivičnim djelom.

Agencija je samostalna federalna upravna organizacija koja ima svojstvo pravnog lica.

Zakon je utvrdio da je sjedište Agencije u Sarajevu.

U okviru svoje nadležnosti Agencija ima javna ovlaštenja za donošenje podzakonskih akata kojima se uređuje način djelovanja Agencije.

Na radnopravni status osoba zaposlenih u Agenciji primjenjuju se odredbe Zakona o državnoj službi u Federaciji Bosne i Hercegovine („Službene novine Federacije BiH“,

br. 29/03, 23/04, 39/04, 54/04, 67/05, 8/06, 4/12, 99/15 i 99/15) i Zakona o namještenicima u Federaciji Bosne i Hercegovine ("Službene novine Federacije BiH", broj: 49/05).

Misija Agencije je osigurati da se na profesionalan i učinkovit način, u skladu sa međunarodno priznatim standardima i najboljim praksama Evropske unije, provede proces preuzimanja i upravljanja oduzetom imovinom, izvrši stručne analize iz područja oduzimanja imovinske koristi kao i obuku profesionalaca koji imaju obavezu da postupaju po Zakonu iz oblasti finansijskih istraga i oduzimanja imovinske koristi.

Cilj Agencije je ne samo preventivan i kazneni, već i da zaštiti interese oštećene stranke izvršenim krivičnim djelom. Fokusiranje na imovinu proisteklu iz krivičnog djela u borbi protiv korupcije, organiziranog kriminala, pranja novca i drugih vrsta ekonomskog kriminala i u paralelnom provođenju integrirane finansijske istrage sa ciljem da se identificira, zaplijeni i oduzme imovina stečena krivičnim djelom, dio je borbe protiv organiziranog i teškog kriminala, te zbog toga ova Agencija ima poseban društveni značaj.

Vlada Federacije Bosne i Hercegovine (u daljnjem tekstu: Vlada Federacije) je osnivanjem i davanjem nadležnosti Agenciji učinila prve korake kojima će spriječiti da organizirane kriminalne grupe ulažu nezakonito stečenu dobit u dalje nezakonite aktivnosti ili koriste pranje novca za njegovu legalizaciju i infiltraciju u cilju sticanja ekonomskog uticaja u društvu.

2. NADLEŽNOST AGENCIJE

Nadležnosti Agencije utvrđene su članom 30. Zakona i to:

- upravljanje privremeno oduzetom i oduzetom imovinom po odredbama Zakona i drugih zakona;
- provođenje analiza u području oduzimanja imovinske koristi pribavljene krivičnim djelom;
- stručna edukacija iz područja finansijskih istraga i oduzimanja imovinske koristi pribavljene krivičnim djelom i
- obavljanje i drugih poslova propisanih Zakonom.

Agencija u provođenju svojih nadležnosti obavlja sljedeće poslove:

- skladišti, čuva, prodaje, vrši najam imovine oduzete na osnovu Zakona. Ako za to postoji opravdana potreba, ovu imovinu Agencija može povjeriti na čuvanje drugoj instituciji o čemu se zaključuje poseban ugovor;
- vrši stručnu procjenu vrijednosti privremeno oduzete i oduzete imovine po odredbama ovog i drugih zakona;
- vodi evidencije o imovini kojom raspolaže i upravlja, sudskim postupcima u kojima se odlučuje o takvoj imovini;
- prikuplja od nadležnih institucija podatke, statističke izvještaje i druge informacije iz pravomoćno okončanih postupaka za oduzimanje imovinske koristi u skladu sa Zakonom, sa ciljem obrade i analize tih podataka i informacija, uočavanja trendova u vršenju krivičnih djela iz kojih se pribavlja imovinska korist;
- prikuplja informacije iz sudskih registara, Porezne uprave, Registra vrijednosnih papira i drugih javnih registara koji se tiču vlasništva nad imovinom;

- vrši analize i procjene rizika sa ciljem identifikacije faktora i okolnosti koji pogoduju pribavljanju imovinske koristi iz vršenja krivičnih djela;
- objavljuje redovne i godišnje izvještaje o stanju u oblasti oduzimanja imovinske koristi pribavljene krivičnim djelom, te ih dostavlja Vladi Federacije i Parlamentu Federacije Bosne i Hercegovine (u daljnjem tekstu: Parlament Federacije);
- obavještava Vladu Federacije i Parlament Federacije o rezultatima analiza u području provođenja zakona ili drugih propisa o finansijskim istragama i oduzimanju imovinske koristi pribavljene krivičnim djelom;
- inicira i daje preporuke za unapređenje pravnih propisa u oblasti provođenja finansijskih istraga i oduzimanja imovinske koristi pribavljene krivičnim djelom;
- sačinjava prijedlog Strategije za oduzimanje imovinske koristi pribavljene krivičnim djelom u Federaciji Bosne i Hercegovine (u daljnjem tekstu: Strategija) i Akcionog plana za njeno izvršenje te ih upućuje Vladi Federacije i Parlamentu Federacije na usvajanje;
- koordinira i prati provođenje Strategije i Akcionog plana, te daje mišljenja i preporuke za njihovo efikasnije provođenje i
- u saradnji sa drugim nadležnim institucijama učestvuje u obuci državnih i policijskih službenika i nosilaca pravosudnih funkcija u vezi sa finansijskim istragama i oduzimanjem imovinske koristi pribavljene krivičnim djelom.

Agencija poslove iz svoje nadležnosti obavlja samostalno u granicama ovlaštenja utvrđenih Zakonom i drugim propisima, te u okviru raspoloživih finansijskih sredstava i odobrenog broja izvršilaca od strane Vlade Federacije.

3. RUKOVOĐENJE I ORGANIZACIJA AGENCIJE

Rukovođenje Agencijom je utvrđeno u članu 26. stav (2) i (3) Zakona, dok su ovlasti direktora, poslovi organizacionih jedinica i ostala pitanja vezana za organizaciju, upravljanje i rukovođenje organizacionim jedinicama bili razrađeni Pravilnikom o unutrašnjoj organizaciji Federalne agencije za upravljanje oduzetom imovinom na koji je Vlada Federacije Bosne i Hercegovine dala saglasnost Odlukom V. broj: 1092/2015 od 27.08.2015. godine („Službene novine Federacije BiH“, broj: 68/15) kao i drugim pravilnicima i aktima koji se odnose na radne odnose i cjelokupno funkcioniranje Agencije.

U ovom izvještajnom periodu, članom 75c. stav (3) Zakona o državnoj službi u Federaciji Bosne i Hercegovine („Službene novine Federacije BiH“, br. 29/03, 23/04, 39/04, 54/04, 67/05, 8/06, 4/12 i 99/15), članom 15. Uredbe o izmjenama i dopunama Uredbe o načelima za utvrđivanje unutrašnje organizacije federalnih organa uprave i federalnih upravnih organizacija („Službene novine Federacije BiH“, broj 9/16) i članom 18. Uredbe o izmjenama i dopunama Uredbe o poslovima osnovne djelatnosti iz nadležnosti organa državne službe koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Federacije BiH“, broj 9/16), utvrđena je obaveza svih rukovoditelja tijela državne službe da u roku od 30 dana od dana donošenja navedenih propisa usklade pravilnike o unutrašnjoj organizaciji sa navedenim propisima.

Postupajući u skladu sa navedenim zakonom i podzakonskim aktima, u prvoj polovini 2016. godine postojeća organizacija Agencije i proces rukovođenja su usaglašeni

sa istim. Tako je donesen novi Pravilnik o unutrašnjoj organizaciji Federalne agencije za upravljanje oduzetom imovinom na koji je Vlada Federacije Bosne i Hercegovine Odlukom objavljenom u „Službenim novinama Federacije BiH“, broj: 46/16 dala saglasnost.

3.1. Rukovođenje

Po novom Pravilniku o unutrašnjoj organizaciji Federalne agencije za upravljanje oduzetom imovinom direktor Agencije, kao jedino rukovodno lice, rukovodi radom Agencije i vrši poslove utvrđene članom 28. Zakona, a naročito:

- zastupa i predstavlja Agenciju;
- odgovara za zakonitost rada, pravilno i zakonito vođenje materijalno-finansijskog poslovanja Agencije;
- donosi podzakonske propise i druge opće ili pojedinačne akte za koje je ovlašten zakonom ili drugim propisima i
- podnosi Vladi Federacije izvještaje o radu i finansijko-materijalnom poslovanju Agencije.

Vlada Federacije imenuje direktora na mandatni period od četiri godine.

Vlada Federacije vrši nadzor na povjerenim javnim ovlaštenjima Agencije utvrđenim Zakonom.

3.2. Organizacija

Pravilnikom o unutrašnjoj organizaciji Agencije iz septembra 2015. godine utvrđeno je da se unutrašnja organizacija i način rada zasnivaju na koncentraciji istih i srodnih i u u procesu rada funkcionalno povezanih poslova u okviru pet osnovnih organizacionih jedinica i to:

- Sektora za preuzimanje i upravljanje oduzetom imovinom
- Sektora za analitičko-strateške poslove
- Sektora za edukaciju
- Sektora za pravne i opće poslove i
- Sektora za materijalno-finansijske poslove

Donošenjem novog Pravilnika o unutrašnjoj organizaciji Agencije u junu tekuće godine, unutrašnja organizacija je znatno izmjenjena na način da je smanjen broj uposlenika na 22 jer je uočeno da prvobitno utvrđena organizacija rada Agencije sa 40 uposlenih je bio preambiciozan plan. Mnogi poslovi su objedinjeni i predviđeno je da se izvršavaju u tri organizacione jedinice i to:

1. Službi za preuzimanje i upravljanje oduzetom imovinom
2. Službi za edukaciju i analitičko-strateške poslove i
3. Službi za kadrovske, finansijske i opće poslove.

Kod određivanja broja izvršilaca, imalo se u vidu odredba stava (4) člana 3. Uredbe o načelima za utvrđivanje unutrašnje organizacije federalnih organa uprave i federalnih upravnih organizacija („Službene novine Federacije BiH“, broj: 36/06 i 9/16) kojom je naloženo federalnim organima uprave da izradu pravilnika o unutrašnjoj organizaciji moraju izvršiti na način da osiguraju princip da se broj izvršilaca odredi tako da bude

adekvatan vrsti, obimu i složenosti poslova iz nadležnosti federalnog organa uprave. Zbog toga je utvrđeno da poslove unutar navedene tri Službe obavlja 22 izvršilaca, kako bi se stvorile pretpostavke da će postupak upravljanja oduzetom imovinom biti proveden na zakonit način, sa što manje mogućnosti vođenja sudskih postupaka i stvaranja dodatnih troškova za Federaciju Bosne i Hercegovine.

Kako je i u 2016. godinu Agencija ušla sa samo jednim uposlenikom, na 49. sjednici od 15.04.2016. godine, Vlada Federacije Bosne i Hercegovine dala je saglasnost Agenciji za raspisivanje internog konkursa za prijem šest državnih službenika i internog oglasa za prijem četiri namještenika. Donošenjem novog Pravilnika o unutrašnjoj organizaciji Agencije, stvorene su pretpostavke za realizaciju ovog zaključka, te su u junu mjesecu raspisani interni konkurs i interni oglas i proces prijema uposlenika je u toku.

Imajući u vidu činjenicu da su sva radna mjesta, osim radnog mjesta direktora Agencije, do dana sačinjavanja Izveštaja upražnjena, svi poslovi iz nadležnosti Agencije koji su izvršeni u ovom izveštajnom periodu nisu obavljani unutar navedenih organizacionih jedinica, već uspostavljanjem ugovornih odnosa sa kvalificiranim fizičkim licima.

4. STRATEŠKI CILJEVI

S obzirom na to da je Agencija Zakonom osnovana krajem 2014. godine, a počela sa radom postavljenjem direktora početkom juna mjeseca prošle godine, godišnji Plan rada Agencije za 2016. godinu uglavnom je planirao stvoriti dobru osnovu za obavljanje zakonskih nadležnosti Agencije u narednim godinama.

Agencija je, u okviru svojih zakonskih ovlasti i obaveza i učinkovitog izvršavanja povjerenih poslova, planirala izvršenje slijedećih strateških ciljeva u 2016. godini:

- 1) Stvoriti uvjete za preuzimanje imovine i upravljanje sa istom u skladu sa Zakonom,
- 2) Razviti odgovarajuću metodologiju za prikupljanje podataka, statističkih izvještaja i drugih informacija potrebnih za provođenje stručnih analiza iz nadležnosti Agencije, a koja će biti osnova za utvrđivanje metodologije za izradu prijedloga Strategije za oduzimanje imovinske koristi stečene krivičnim djelom i Akcionog plana za provođenje Strategije,
- 3) Uspostaviti saradnju sa drugim nadležnim institucijama radi obuke državnih i policijskih službenika i nosilaca pravosudnih funkcija iz oblasti finansijskih istraga i oduzimanja imovinske koristi pribavljene krivičnim djelom;
- 4) Stvoriti finansijske preduvjete za rad Agencije i
- 5) U skladu sa zakonskim obavezama, izvještavati Vladu Federacije, a po potrebi i Parlament Federacije kao i cjelokupnu javnost o procesima oduzimanja i upravljanja nezakonito stečenom imovinom.

Navedeni strateški ciljevi i aktivnosti Agencije u 2016. godini su u cijelosti usklađeni sa odobrenim finansijskim sredstvima u Budžetu Federacije Bosne i Hercegovine za 2016. godinu, na razdjelu 15, glava 1501- Federalno ministarstvo pravde, ekonomski kod

6143 - „Tekući transferi neprofitnim organizacijama – Federalna agencija za upravljanje oduzetom imovinom“ („Službene novine Federacije BiH“, broj 102/15), u ukupnom iznosu od 500.000 KM (slovima: petstotinhiljada KM).

4.1. Uspostavljanje uvjeta za rad Agencije

S obzirom na to da je ovo druga godina djelovanja Agencije, a da u prvoj godini nije izvršeno zapošljavanje državnih službenika i namještenika, te da je Vlada Federacije Odlukom o odobravanju izdvajanja sredstava iz Budžeta Federacije Bosne i Hercegovine za 2015. godinu za Federalnu agenciju za upravljanje oduzetom imovinom V.broj: 744/2015 od 25.06.2015. godine („Službene novine Federacije Bosne i Hercegovine“, broj: 50/15) Agenciji odobrila samo 50% sredstava predviđenih Budžetom za finansiranje početnih aktivnosti i uspostavljanje rada Agencije u 2015. godini, u 2016. godini je bilo neophodno izvršiti daljnje radnje za uspostavljanje njenog zakonitog djelovanja.

A/Da bi se uspostavilo zakonito djelovanje Agencije, sačinjen je dodatni set pravilnika u skladu sa zakonima koji su doneseni krajem 2015. godine kao i u skladu sa zakonima i podzakonskim aktima koji su doneseni u prvoj polovini 2016. godine, a čije odredbe direktno utiču na rad Agencije. Tako su doneseni:

- Pravilnik o unutarnjoj organizaciji Federalne agencije za upravljanje oduzetom imovinom;
- Pravilnik o plaćama i naknadama;
- Pravilnik o poklonima i reprezentaciji;
- Pravilnik o javnim nabavkama;
- Pravilnik o popisu imovine, potraživanja, zaliha i obaveza;
- Pravilnik o naknadama za putne troškove;
- Procedure o načinu korištenja fiksnih i mobilnih telefona;
- Procedure načina evidentiranja i plaćanja ulaznih faktura;
- Procedure za stvaranje obaveza;
- Procedure o kolanju računovodstvene dokumentacije i
- Računovodstvene politike

a taj zadatak će se nastaviti i u drugoj polovini 2016. godini donošenjem novog Kolektivnog ugovora, Zakona o namještenicima u Federaciji Bosne i Hercegovine, Zakona o plaćama i naknadama i drugih zakona i podzakonskih akata koji direktno utiču na upravljanje i organizaciju rada Agencije. U trenutku kada Agencija u pravom smislu zaživi, donijet će se i ostali pravilnici u skladu sa potrebama Agencije i sa zakonskim i podzakonskim aktima koji u to vrijeme budu na snazi, a koji reguliraju navedene oblasti.

B/Jedna od prvih zadaća je bila pokretanje procesa upošljavanja minimalnog broja državnih službenika i namještenika na osnovu Zaključka Vlade Federacije Bosne i Hercegovine od 15.04.2016. godine, a dok se to ne postigne, poduzimane su radnje da se od Vlade Federacije dobije saglasnost za uspostavljanje ugovornih odnosa sa kvalificiranim fizičkim licima radi izvršavanja poslova Agencije.

C/U prvim mjesecima 2016. godine, Agencija je donijela Plan javnih nabavki, te uputila zahtjev Vladi Federacije Bosne i Hercegovine da odobri nabavku jednog službenog putničkog automobila.

Kako Agencija ne raspolaže ni sa jednim službenim putničkim automobilom, u više navrata se obračala I Službi za zajedničke poslove organa i tijela Federacije Bosne i Hercegovine sa zahtjevom da poduzme pravne radnje kako bi jedno službeno vozilo i vozač bili stavljeni na raspolaganje Agenciji za obavljanje redovnih poslova. Uvijek je dobijala odgovor da Služba ima ograničen vozni park i nije u mogućnosti da udovolji navedenom zahtjevu.

Agencija je ocjenila da je službeni putnički automobil neophodan radi svakodnevnog obilaska 37 sudova i 10 tužilaštava zbog ujednačavanja stavova oko oduzimanja nezakonito stečene imovine u Federaciji Bosne i Hercegovine i procesa predaje iste Agenciji na upravljanje, te ohrabrivanje nosioca pravosudnih funkcija za postupanje po odredbama ovog Zakona. Isto tako, s obzirom na činjenicu da je ovo nova oblast u borbi za suzbijanje kriminala u Federaciji Bosne i Hercegovine, neophodan je i obilazak sličnih agencija u regiji radi razmjene iskustava.

Vlada Federacije Bosne i Hercegovine, do trenutka podnošenja ovog izvještaja, nije se očitovala o navedenom zahtjevu.

Kad je u pitanju nabavka osnovnih sredstava za rad, bitno je istaći da je uspostavljena vrlo dobre saradnje sa predstavnicima USAID-a. Dogovoreno je da čim se uspostave minimalni uvjeti za početak rada Agencije, USAID će pružiti maksimalnu tehničku podršku Agenciji.

Da bi nabavljena osnovna sredstva zadovoljavala sigurnosno-bezbjedonosne standarde, upriličen je sastanak sa predstavnicima Ministarstva sigurnosti Bosne i Hercegovine koji su iskazali spremnost da se aktivno uključe u sačinjavanje tenderske dokumentacije za nabavku osnovnih sredstava u smislu da predlože koje karakteristike bi morala imati ta osnovna sredstva kako bi se obezbjedilo dobijanje sigurnosno-bezbjedonosnih certifikata. Istovremeno je postignut dogovor o zajedničkom djelovanju po pitanju obezbjeđenja personalne, fizičke, dokumentacione i informatičke sigurnosti.

Podsredstvom Ministarstva sigurnosti Agencija je aplicirala i za dobijanje informatičke opreme od Ministarstva unutrašnjih poslova Republike Italije u okviru Projekta IPA 2013 Western Balkans te je proces dobijanja iste u toku.

B/ Što se tiče obezbjeđenja poslovnog prostora, Agencija je taj problem samo djelimično rješila obezbjeđenjem skladišnog prostora. Naime, Vlada Federacije Bosne i Hercegovine je na svojoj 49. sjednici od 15.04.2016. godine donijela odluku V. broj: 898/2016 („Službene novine Federacije BiH“, broj: 30/16) o davanju na korištenje Agenciji dijela objekta Federalnog ministarstva unutrašnjih poslova površine od 133 m² u okviru objekta kompleksa „Rakovica“, bez naknade, za odlaganje oduzete imovine. Troškovi komunalnih usluga padaju na teret Agencije i regulirat će se posebnim ugovorom između Agencije i Federalnog ministarstva unutrašnjih poslova. Realizacija primopredaje objekta po ovoj odluci je u toku.

Kad je u pitanju kancelarijski prostor, u cilju obezbjeđenja adekvatnog poslovnog prostora, obavljen je preliminarorni razgovor predstavnika Željeznica Federacije Bosne i Hercegovine, Službe za zajedničke poslove organa i tijela Federacije Bosne i Hercegovine, Gender centra Federacije Bosne i Hercegovine i Federalne agencije za

upravljanje oduzetom imovinom o mogućnosti korištenja poslovnog prostora u krilu „B“ zgrade željezničke stanice u ulici Put života broj 2.

U skladu sa tim razgovorom, dana 30.05.2016. godine predstavnici navedenih institucija obišli su prostor na II spratu veličine 347,42 m² te konstatovali da isti po veličini i rasporedu prostorija u cjelosti zadovoljava trenutne potrebe Gender centra Federacije Bosne i Hercegovine i Agencije. Prostor je potrebno prije ustupanja na korištenje adaptirati u smislu manjih građevinskih radova i higijenskog dovođenja u stanje upotrebljivosti, a što je tom prilikom i rečeno predstavniku Željeznica Federacije Bosne i Hercegovine.

Kako dalje aktivnosti oko zakupa navedenog prostora su u nadležnosti Službe za zajedničke poslove organa i tijela Federacije Bosne i Hercegovine, Agencija se obratila pismom Uredu premijera Federacije sa molbom da se da nalog da Služba hitno poduzme neophodne radnje koje predhode potpisivanju ugovora sa Željeznicama Federacije Bosne i Hercegovine. Ovo iz razloga što je Agencija dana 20.06.2016. godine raspisala Interni konkurs za popunu upražnjenih radnih mjesta državnih službenika i Interni oglas za popunu upražnjenih radnih mjesta namještenika, te trenutno nema kancelarijski prostor u koji bi se smjestili primljeni državni službenici i namještenici. Proces stvaranja pretpostavki za zaključivanje ugovora o zakupu navedenog prostora je u toku.

4.2. Stvaranje uvjeta za preuzimanje imovine i upravljanje sa istom u skladu sa Zakonom

S obzirom na to da je Agencija u prošloj godini obavjestila sve sudove i tužilaštva u Federaciji Bosne i Hercegovine da je počela sa radom sa kratkom naznakom zakonom utvrđenih nadležnosti, te već postoje zahtjevi od istih da Agencija preuzme oduzetu imovinu, tokom 2016. godine planirano je donošenje pravilnika, instrukcije i uputstva kojima će se urediti pitanja procjene, skladištenja, čuvanja, prodaje i najma oduzete imovine, te uspostavljanje evidencije o imovini koja će biti data na raspolaganje Agenciji.

Osnov za donošenje ovog seta provedbenih akata sadržan u Pravilniku o postupku prodaje, najma, čuvanja i održavanja oduzete imovine V. broj: 367/2015 od 25.02.2015. godine, koji je na prijedlog Federalnog ministarstva pravde, donijela Vlada Federacije, a na inicijativu Agencije isti je tek 22.01.2016. godine objavljen u „Službenim novinama Federacije BiH“, te tek tada stupio na snagu.

Agencija je u prvoj polovini 2016. godine sačinila prijedlog Uputstva o načinu provodenja postupka javnog nadmetanja prodaje trajno oduzete imovine, te dobila pozitivno mišljenje Ureda Vlade Federacije Bosne i Hercegovine za zakonodavstvo i usklađenost sa propisima EU, pa je proces objavljivanja istog u „Službenim novinama Federacije BiH“ u toku.

Također je sačinjen i prijedlog Uputstva o uspostavljanju evidencije o imovini koja će biti data na raspolaganje Agenciji i isti je dostavljen Ureda Vlade Federacije Bosne i Hercegovine za zakonodavstvo i usklađenost sa propisima EU radi dobijanja mišljenja u skladu sa članom 27. stav (1) Poslovnika o radu Vlade Federacije Bosne i Hercegovine – Prečišćeni tekst („Službeni list Federacije BiH“, broj: 6/10, 37/10, 62/10). Kako je Ured na navedeno uputstvo dao značajne usmene primjedbe, dorada teksta Uputstva je još u toku.

Osim navedenih prijedloga uputstava, sačinjen je i prijedlog Odluke o utvrđivanju kriterija obračuna troškova čuvanja i održavanja privremeno oduzete imovine, te nakon dobijanja pozitivnog mišljenja Ureda Vlade Federacije Bosne i Hercegovine za zakonodavstvo i usklađenost sa propisima EU, ista je dostavljena i Federalnom ministarstvu pravde i Federalnom ministarstvu finansija na mišljenje, u skladu sa članom 27. stav (1) Poslovnika o radu Vlade Federacije Bosne i Hercegovine – Prečišćeni tekst („Službeni list Federacije BiH“, broj: 6/10, 37/10, 62/10). Do kraja izvještajnog perioda Agenciji nisu dostavljena navedena mišljenja.

Postupajući po odredbama Zakona o oduzimanju nezakonito stečene imovine krivičnim djelom u Federaciji BiH, u izvještajnom periodu aktivno se radilo i na izradi Smjernica za sačinjavanje prijedloga Strategije za oduzimanje imovinske koristi pribavljene krivičnim djelom u Federaciji Bosne i Hercegovine i Akcionog plan za njezino izvršenje. Pored Agencije, izradi Smjernica su pristupili i predstavnici federalne i kantonalnih policija, Federalne finasijske policije, Porezne uprave, Federalnog pravobranilaštva, Registra vrijednosnih papira, Komisije za vrijednosne papire, Zemljišnoknjižnog odjeljenja Općinskog suda u Sarajevu, te općinskih i kantonalnih sudova u Federaciji Bosne i Hercegovine. U izradi Smjernica značajnu pomoć pružili su i tužioci državnog odvjetništva Republike Hrvatske /USKOK/. Smjernice o postupanju se trenutno nalaze u fazi recenzija, a nakon okončavanja procesa recenzije, pristupiće se štampanju i distribuiranju svim institucijama u Federaciji Bosne i Hercegovine.

4.3. Razvijanje odgovarajuće metodologije za prikupljanje podataka, statističkih izvještaja i drugih informacija potrebnih za provođenje stručnih analiza iz nadležnosti Agencije

U prvim kontaktima sa sudovima i tužilaštvima u Federaciji Bosne i Hercegovine ukazano je na značaj osnivanja i djelovanja Agencije i isti su podstaknuti da dostave podatke, statističke izvještaje i druge informacije o pravomoćno okončanim postupcima za oduzimanje imovinske koristi u skladu sa Zakonom.

Na osnovu prikupljenih informacija, nakon zapošljavanja određenog broja državnih službenika do kraja tekuće godine, uspostaviti će se baza podataka o pravosnažnim presudama sudova u kojima je izrečena mjera oduzimanja nezakonito stečene imovine, a koja će služiti za utvrđivanje metodologije za izradu Strategije za oduzimanje imovinske koristi pribavljene krivičnim djelom u Federaciji i Akcionog plana za njeno izvršenje.

4.4. Uspostavljanje saradnje sa drugim nadležnim institucijama radi obuke državnih i policijskih službenika i nosilaca pravosudnih funkcija iz oblasti finansijskih istraga i oduzimanja imovinske koristi pribavljene krivičnim djelom

A/ Tokom tekuće godine, na osnovu utvrđenih nastavnih i pedagoških planova i programa edukacije i obuke iz nadležnosti Agencije, Planom i programom rada Agencije za 2016. godinu planirano je izvršiti pet četverodnevni obuka službenika nadležnih institucija u Federaciji Bosne i Hercegovine iz oblasti finansijskih istraga i oduzimanja imovinske koristi pribavljene krivičnim djelom, te tom prilikom obučiti i certificirati oko 250

polaznika obuke u skladu sa planom i programom koji je utvrdio i Centar za edukaciju sudija i tužilaca.

U procesu realizacije zacrtanih ciljeva, izrađen je plan i program obuka policijskih službenika i nosilaca pravosudnih funkcija te službenika drugih nadležnih institucija u Federaciji Bosne i Hercegovine, izvršen izbor edukatora za svaku od oblasti postupanja u skladu sa Zakonom (policijski, tužilački, sudski, upravni, postupak izvršenja i upravljanja), izrađen posebni priručnik kao pedagoški materijal koji će se koristiti u obukama, te organizovane četiri obuke i to:

- u periodima od 10. do 13. februara u Mostaru,
- u periodu od 30. marta do 02. aprila u Sarajevu,
- u periodu od 25. do 28. aprila u Neumu i
- u periodu od 29. juna do 01. jula u Bihaću

za praktičare koji postupaju u okviru postupka za oduzimanje nezakonito stečene imovine krivičnim djelom po odredbama Zakona. Obuci je sveukupno prisustvovalo 200 učesnika iz kantonalnih policija i tužilaštava, kantonalnih i općinskih sudova, Federalnog pravobranilaštva, Porezne uprave Federacije Bosne i Hercegovine, Agencije za bankarstvo Federacije Bosne i Hercegovine, Federalne finansijske policije i Komisije za vrijednosne papire. Svi učesnici dobili su certifikate o završenoj obuci od Agencije i Centra za edukaciju sudija i tužilaca.

Ključne aktivnosti obuke su se odnosile na edukaciju i obuke profesionalaca iz pravosudne zajednice, agencija za sprovođenje zakona u Federaciji Bosne i Hercegovine i drugih nadležnih subjekata iz Zakona. Radi se o predstavnicima institucija koje imaju zakonsku obavezu postupanja u okviru postupka za otkrivanje, osiguranje, privremeno oduzimanje, oduzimanje, izvršenje i upravljanje sa imovinom pribavljenom izvršenjem krivičnih djela. Obukom su se naročito nastojali ojačati kapaciteti Agencije jer se samo na takav način može osigurati uspostava sveobuhvatnog i efikasnog sistema za oduzimanje nezakonito stečene imovine krivičnim djelom što je jedna od preporuka iz izvještaja o napretku Bosne i Hercegovine prema Evropskoj uniji za protekle godine.

Tokom implemenatcije obuka kao gosti predavači su pozvani i predstavnici institucija izvan Bosne i Hercegovine, posebno tužioci Državnog odvjetništva Hrvatske (USKOK) te strani eksperti iz SAD i Velike Britanije sa ciljem prijenosa iskustava u ovoj oblasti.

Na osnovu utvrđenog plana i programa obuka za 2016. godinu iz oblasti oduzimanja imovinske koristi stečene krivičnim djelom i finansijskih istraga izrađen je posebni priručnik kao pedagoški materijal koji će se koristiti u narednim obukama i koji će pomoći praktičarima koji postupaju u okviru postupka za oduzimanje nezakonito stečene imovine krivičnim djelom po odredbama Zakona i to: kantonalnoj i federalnoj policiji, kantonalnim i općinskim sudovima, Federalnom pravobranilaštvu, Poreznoj uprave Federacije Bosne i Hercegovine, Agenciji za bankarstvo Federacije Bosne i Hercegovine, Federalnoj finansijskoj policiji, Komisiji za vrijednosne papire, Registru vrijednosnih papira, zemljišnoknjižnim uredima te i samoj Agenciji. Navedeni priručnik uređuje sam tok postupanja navedenih profesionalaca po odredbama ZOONSIKD.

Sredstva potrebna za realizaciju ovih aktivnosti, koje su u nadležnosti Agencije i predstavljaju njene osnovne poslove utvrđene Zakonom, su obezbjeđena od strane Ambasade Velike Britanije u Bosni i Hercegovini.

B/ Posredstvom Ambasade Republike Italije u Bosni i Hercegovini ostvaren je kontakt i saradnja sa Agencijom za upravljanje oduzetom imovinom u Republici Italiji. U okviru te saradnje postignut dogovor o studijskoj posjeti predstavnika Agencije i predstavnika pravosudnih organa Federacije Bosne i Hercegovine isto ju periodu od 18. do 22. Januara tekuće godine. S obzirom na činjenicu da je ova Agencija jedna od pravno najuređenijih i sa najboljom praksom u Evropi, cilj posjete je bio sticanje znanja i prenošenje iskustava u svim segmentima djelovanja Agencije, a naročito u oblasti upravljanja pojedinim oblicima oduzete imovine. Tom prilikom ostvarena je konkretna i vrlo sadržajna saradnja sa **Državnom agencijom za upravljanje i namjenu imovine privremeno i trajno oduzete u organiziranom kriminalu-ANBSC** (*L'Agencia Nazionale per l'amministrazione e la destinazione dei beni sequestrati e confiscati alla criminalità organizzata*).

Ova studijska posjeta organizirana je posredstvom projekta "*Jačanje lokalnih kapaciteta u Federaciji Bosne i Hercegovine u borbi protiv korupcije i teških oblika kriminala putem oduzimanja imovinske koristi pribavljene krivičnim djelom*", koji se finansira od strane Vlade Velike Britanije.

Inače, projektom se implementiraju važne aktivnosti na uspostavi i jačanju kapaciteta Agencije, među koje, spadaju i razmjena iskustava sa partnerskim institucijama u Evropskoj uniji. Studijska posjeta je relizirana posredstvom ambasada Velike Britanije i Italije u Bosni i Hercegovini, što je još jedan od primjera podrške radu Agencije, te pomoći koju ove države pružaju Bosni i Hercegovini.

Tokom trajanja studijske posjete, učesnici su imali priliku prisustvovati izlaganjima predstavnika pravosudnih i institucija za sprovođenje zakona Republike Italije koji su nadležni za borbu protiv organiziranog kriminala. Tom prilikom je poseban naglasak stavljen na značaj efikasnog oduzimanja imovinske koristi pribavljene krivičnim djelom za uspješnu borbu protiv svih oblika korupcije i organiziranog kriminala.

Na kraju studijske posjete, delegacija iz Bosne i Hercegovine imala je prijem kod gđe. Željane Zovko, ambasadorice Bosne i Hercegovine u Republici Italiji kojoj su prenijeti utisci sa ovog stručnog skupa.

U periodu od 04. do 07. aprila 2016. godine organizovana je uzvratna posjeta kojom prilikom su u posjeti Agenciji boravili predstavnici Državne agencije za upravljanje i namjenu imovine privremeno i trajno oduzete u organiziranom kriminalu iz Republike Italije (ANBSC), predvođeni direktorom N.J.E. Umbertom Postiglioneom i saradnikom gosp. Gianpaolo Capassom. Radi se o jednoj od najpoznatijih agencija koje se bave upravljanjem sa oduzetom imovinom u krivičnom postupku na području cijele Evrope, a koja je stalni partner Agenciji.

Tokom trajanja posjete gostiju iz Republike Italije, u okviru projekta "*Jačanje lokalnih kapaciteta u Federaciji Bosne i Hercegovine u borbi protiv korupcije i teških oblika kriminala putem oduzimanja imovinske koristi pribavljene krivičnim djelom*" uz prisustvo Agencije, organizirana je jednodnevna radionica 05. aprila 2016. godine.

Dana 06. aprila 2016 organiziran je i prijem predstavnika Državne agencije za upravljanje i namjenu imovine privremeno i trajno oduzete u organiziranom kriminalu iz Republike Italije (ANBSC) kod ministra sigurnosti Bosne i Hercegovine gosp. Dragana Mektića na kojem su pored gostiju bili prisutni ambasadori Velike Britanije Nj.E. Edward Ferguson i Republike Italije Nj.E. Ruggero Corrias, prof. dr. Eldan Mujanović iz CPRC-a, te direktori agencija za upravljanje oduzetom imovinom Federacije Bosne i Hercegovine i Republike Srpske.

Također, prijem za goste je organizovala i glavna kantonalna tužiteljica Kantona Sarajevo g-đa Dalida Burzić sa saradnicima, tokom koje su prezentirani rezultati rada Kantonalnog tužilaštva u Sarajevu na predmetima korupcije i organiziranog kriminala u kojima su provedene finansijske istrage i predloženo oduzimanje imovinske koristi pribavljene tim krivičnim djelima.

Istog dana, u zgradi Vlade Federacije Bosne i Hercegovine prijem za goste je organizirao i federalni ministar pravde zajedno sa direktorom Ureda premijera Federacije i direktorom Agencije.

4.5. Stvaranje finansijskih preduvjeta za rad Agencije

A/ S obzirom na činjenicu da Agencija nije počela sa radom u vrijeme donošenja Budžeta Federacije Bosne i Hercegovine za 2015. godinu, finansijska sredstva za rad Agencije u 2015. godini planirana su na razdjelu 12, glava 1201- Vlada Federacije BiH, ekonomski kod 6143 - „Tekući transferi neprofitnim organizacijama – Federalna agencija za upravljanje oduzetom imovinom“, u ukupnom iznosu od 200.000,00 KM (slovima: dvijestotinehiljada KM) i djelimično prebačena na račun Agencije Odlukom o odobravanju izdvajanja sredstava iz Budžeta Federacije Bosne i Hercegovine za 2015. godinu za Federalnu agenciju za upravljanje oduzetom imovinom za 2015. godinu Vlade Federacije Bosne i Hercegovine („Službene novine Federacije BiH“ broj 50/2015).

Na isti način, prihodi Agencije za 2016. godinu su planirani Budžetom Federacije BiH za 2016. godinu na razdjelu 1501 - Federalno ministarstvo pravde na ekonomskom kodu 614300 – „Tekući transferi neprofitnim organizacijama - Federalna agencija za upravljanje oduzetom imovinom“, („Službene novine Federacije BiH“, broj 102/15) u iznosu od 500.000,00 KM i u cijelosti izdvojeni Agenciji Odlukom o odobravanju izdvajanja sredstava „Tekući transferi neprofitnim organizacijama - Federalna agencija za upravljanje oduzetom imovinom“ („Službene novine Federacije BiH“, broj 15/16).

Kako je članom 26. stav (1) Zakona o oduzimanju nezakonito stečene imovine krivičnim djelom Federacije Bosne i Hercegovine („Službene novine FBiH“, broj 71/14) utvrđeno da je Agencija samostalna federalna upravna organizacija koja ima svojstvo pravnog lica, a članom 25. stav (3) istog zakona utvrđeno da se sredstva za rad Agencije obezbjeđuju u Budžetu Federacije Bosne i Hercegovine, stečeni su uvjeti da se sredstva za rad Agencije obezbjede istovjetno kao i svim drugim federalnim organima uprave koji se finansiraju iz Budžeta Federacije Bosne i Hercegovine, tj. kao samostalnog budžetskog korisnika.

Uvidom u dokumentaciju o osnivanju, djelovanju i finansiranju Agencije može se konstatirati da je Agencija ispunila sve uvjete iz člana 4. tač. 1., 2. i 3. Pravilnika o utvrđivanju i načinu vođenja Registra budžetskih korisnika Budžeta u Federaciji Bosne i

Hercegovine („Službene novine Federacije BiH“, broj 30/14) za upis u Registar budžetskih korisnika Budžeta u Federaciji Bosne i Hercegovine.

Shodno navedenom, dana 18.05.2016. godine Agencija se obratila pismenim zahtjevom Federalnom ministarstvu finansija – Federalnom ministarstvu financija i priložila popunjen Obrazac RBK da u skladu sa članom 4. navedenog Pravilnika za Agenciju utvrdi status budžetskog korisnika i na osnovu člana 7. stav (4) istog Pravilnika, da saglasnost za upis Agencije u Registar budžetskih korisnika Budžeta u Federaciji Bosne i Hercegovine. Do trenutka podnošenja ovog izvještaja Federalno ministarstvo finansija – Federalno ministarstvo financija nije dalo odgovor na navedeni zahtjev.

B/ S obzirom na činjenicu da su neki sudovi već iskazali potrebu da Agencija preuzme nezakonito stečenu imovinu, Agencija se dana 04.05.2016. godine obratila Federalnom ministarstvu finansija – Federalnom ministarstvu financija sa zahtjevom za određivanje stavke prihoda dobijenih primjenom odredaba Zakona radi adekvatnog vođenja evidencija, vršenja analiza i adekvatne statistike iz ove oblasti, a što je i zahtjev Evropske direktive vezano za vođenje urednih statistika o oduzimanju imovinske koristi.

Aktom broj: 05/07-14-4-3176/16 od 18.05.2016. godine Federalno ministarstvo finansija – Federalno ministarstvo financija obavjestilo Agenciju da je zahtjev prihvaćen, te da će u tom smislu u narednim dopunama Pravilnika o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine („Službene novine Federacije BiH“, broj 33/16), u poglavlju V „NOVČANE KAZNE“ 20.1.1. „Novčane kazne po federalnim propisima“ objaviti i novu vrstu prihoda 723143 – „Novčana sredstva po osnovu primjene Zakona o oduzimanju nezakonito stečene imovine krivičnim djelom Federacije Bosne i Hercegovine – ZONSIKD“. Istim dopisom, Federalno ministarstvo finansija – Federalno ministarstvo financija je dalo na znanje da će u skladu sa tačkom 24.6. navedenog pravilnika obavjestiti banke o prihvatu uplata pod navedenom vrstom do objave dopuna Pravilnika u „Službenim novinama Federacije BiH“.

C/ Obezbjedenjem navedenih finansijskih sredstava u visini od 500.000,00 KM stvoreni su uvjeti za pravilno i zakonito vođenje materijalnog i finansijskog poslovanja Agencije.

Odlukom broj: 06-01/2016 od 04.01.2016. godine utvrđena je visina blagajničkog maksimuma za 2016. godinu u skladu sa Uredbom o uvjetima i načinu plaćanja gotovim novcem („Službene novine Federacije BiH“, br. 72/15 i 82/15).

Na osnovu odobrenih sredstava Budžetom Federacije Bosne i Hercegovine za 2016. godinu, direktor Agencije donio je Finansijski plan Agencije broj: 06-05-7/2016 od 03.02.2016. godine na koji je Vlada Federacije Bosne i Hercegovine dala saglasnost Odlukom V. broj: 441/2016 („Službene novine Federacije BiH“, 15/16). Planirani prihodi Agencije namjenjeni su za finansiranje plaća, doprinosa i naknada troškova zaposlenih, zatim tekućih izdataka i materijalnih troškova, te nabavku i održavanje stalnih sredstava.

Računovodstveno-finansijski poslovi za potrebe Agencije u 2016. godini vršeni su zaključivanjem ugovora o djelu sa fizičkim licem navedene struke.

D/ Pregled odobrenih i utrošenih sredstava iz transfera na dan 30.06.2016. godine

I Prihodi i primici

Ekonomski kod	Opis	Iznos
7321	Primljeni tekući transferi od ostalih nivoa vlasti (preostali dio iz 2015 godine)	22.859 KM
7321	Primljeni tekući transferi od ostalih nivoa vlasti (Federalno ministarstvo pravde)	500,000 KM
	Ukupno:	522.859 KM

II Rashodi i izdaci

Ekonom Kod	Opis	Izvršenje na dan 30.06.2016.
1	2	3
	UKUPNO RASHODI I KAPITALNI IZDACI	53.898
	UKUPNO RASHODI	53.898
6111	Bruto plaće i naknade	19.426
6112	Naknade troškova zaposlenih	1.087
	-naknada za prevoz	318
	-naknada za topli obrok	769
6121	Doprinosi poslodavca	2.040
6131	Putni troškovi	1.496
	-Troškovi dnevnica u zemlji	1.025
	-Ostale naknade putnih i drugih troškova	471
6132	Izdaci za energiju	0
6133	Izdaci za komunikaciju i komunalne usluge	892
	-izdaci za telefon	181
	-izdaci za mobilni telefon	711
6134	Nabavka materijala i sitnog inventar	0
6135	Izdaci za usluge prijevoza i goriva	226

6136	Unajmljivanje imovine, opreme i nematerijal. imovine	0
6137	Izdaci za tekuće održavanje	20
6138	Izdaci za osiguranja, bankarskih usluga i usl.pl.pr	332
6139	Ugovorene i druge posebne usluge	28.379
	-Usluge reprezentacije	868
	-Ugovori o djelu neto	23.175
	-Ugovori o djelu porezi i doprinosi	4.254
	-Ostale nesp.usluge i dadžbine	82
	UKUPNO KAPITALNI IZDACI	0
8213	Nabavka opreme	0
	-Kancelarijski namještaj	0
	-Kompjuterska oprema	0
8215	Nabavka stalnih sredstava u obliku prava	0

- **Bruto plaće**

Bruto plaće i naknade plaća su realizovne na dan 30.06.2016. u iznosu od 21.466,00 KM što se odnosi na neto plaću (12.243 KM), i poreze i doprinose (9.223 KM).

Agencija na dan 30.06.2016. ima jedog zaposlenog (direktor). Obračun plaća, naknada plaća i poreza i doprinosa za direktora izvršen je u skladu sa odredbama Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10 i 111/12) i Rješenjem Komisije za administrativna pitanja Vlade Federacije Bosne i Hercegovine o preuzimanju dužnosti i plaći rukovodećeg državnog službenika broj: 03-34-1121/2014 od 02.06.2015. godine.

- **Naknade troškova zaposlenih**

Naknade troškova zaposlenih ostvarene na dan 30.06.2016.godine iznose 1.087,00 KM. Naknade se odnose na naknade za topli obrok (769,00 KM) i prevoz (318,00 KM).

- **Putni troškovi**

Ukupno ostvareni putni troškovi na dan 30.06.2016.godine iznose 1.496,00 KM. Ukupni troškovi se odnose na putne troškove u zemlji i inostranstvo. Službena putovanja su realizirana u svrhu prisustvovanja raznim stručnim seminarima i radionicama.

- **Izdaci za komunikaciju i komunalne usluge**

Izdaci telefonskih i poštanskih usluga ostvareni na dan 30.06.2016. godine iznose 892,00 KM, i odnose se na fiksni telefon (181,00 KM) i mobilni telefon (711,00 KM) .

Donošenjem Zaključka Vlade Federacije broj: 456/2015 od 14.04.2015. godine, Agencija se u pogledu troškova službenog fiksnog telefona i mobitela u potpunosti prilagodila istom.

- **Nabavka materijala i sitnog inventara**

Na ovoj poziciji nije bilo nabavki na dan 30.06.2016. godine iz razloga što Agencija u izvještajnom periodu nije obezbjedila kancelarijski prostor i izvršila prijem uposlenika.

- **Izdaci za usluge prijevoza i goriva**

Ukupni izdaci za utrošak goriva na dan 30.06.2016. godine iznose 226,00 KM. Gorivo je utrošeno korištenjem privatnog vozila u poslovne svrhe.

- **Unajmljivanje imovine, opreme i nematerijalne imovine**

Na dan 30.06.2016. godine nije bilo unajmljivanja imovine, opreme i nematerijalne imovine.

- **Izdaci za osiguranja, bankarskih usluga i usluga platnog prometa**

Izdaci na ovoj pozicija na dan 30.06.2016. godine se odnose na bankarske usluge u iznosu od 332,00 KM.

- **Ugovorene usluge i druge posebne usluge**

S obzirom na činjenicu da Agencija do dana sačinjavanja ovog izvještaja nije izvršila prijem državnih službenika i namještenika, za obavljanje određenih vrsta poslova angažirala je stručna lica neophodna za funkcioniranje Agencije.

Izdaci za ugovorene usluge ostvareni su u iznosu od 28.379,00 KM. i odnose se na usluge reprezentacije (868,00 KM), ugovore o djelu (27.429,00 KM) i ostale ugovorene usluge (82,00 KM).

Ostvareni izdaci za ugovore o djelu na dan 30.06.2016. godine iznose 27.429,00 KM, neto naknada (23.175,00 KM) i porezi i doprinosi po osnovu ugovora o djelu (4.254,00 KM). Angažiranje stručnih lica po osnovu ugovora o djelu radi učešća u aktivnostima koje se odnose na uspostavljanju rada Agencije vršit će se do stjecanja uvjeta za zapošljavanje državnih službenika i namještenika i do osposobljavanje istih za samostalan rad.

U 2016. godini zaključena su četiri ugovora o djelu sa stručnim licima radi ostvarivanja minimalnih uvjeta za rad Agencije.

Izvršiocu su se obavezali da će kvalitetno, stručno, efikasno i u predviđenim rokovima koje utvrdi Naručilac pružiti stručnu pomoć i uzeti aktivno učešće u:

- izrada seta pravilnika;
- pripremanje svih pisama i obrazloženja na akta Agencije koja se dostavljaju Vladi Federacije i drugim federalnim organima uprave za dobijanje saglasnosti, mišljenja i sl;
- pružanju pravnih savjeta i usluga kod uspostavljanja rada Agencije;
- priprema godišnjeg plana i programa obuke državnih i policijskih službenika i nosioca pravosudnih funkcija;
- priprema finansijskog plana Agencije za 2016.godinu;
- priprema plana javnih nabavki roba i usluga i potrebne dokumentacije i drugih akata od značaja za pokretanje i provođenje procedura javnih nabavki;
- praćenje realizacije finansijskog plana Agencije za 2016 godinu i kontrola zakonitosti trošenja sredstava;
- kontiranje i knjiženje svih poslovnih promjena u finansijskom knjigovodstvu (glavna knjiga sa analitičkim evidencijama);
- obračun plaća i naknada uposlenika te naknada po ugovorima o djelu;
- izrada periodičnih izvještaja kao i svih izvještaja u sklopu navedenih obračuna;
- sastavljanje izvještaja o godišnjim primanjima uposlenika i njihovoj dostavi nadležnim službama;
- pružanje usluga organizacije i kontrole finansijskog i blagajničkog poslovanja;
- pružanje konsultanskih usluga iz oblasti računovodstva;
- pružanje usluga na realizaciji planirane organizacije rada računovodstvene službe;
- pružanje lektorskih usluga;
- vođenje kancelariskog i arhivskog poslovanja i
- obavljanje kurirskih poslova.

Ostvareni izdaci za ostale ugovorene usluge na dan 30.06.2016. iznose 82,00 KM a odnose se na predaju godišnjih finansijskih izvještaja u FIA.

- **Kapitalni izdaci**

Na dan 30.06.2016. godine nije bilo kapitalnih izdataka.

- **Javne nabavke**

Nabavka osnovnih sredstava i usluga vrši se u skladu sa Zakona o javnim nabavkama („Službeni glasnik BiH“, broj 39/14), Pravilnikom o postupku direktnog sporazuma u Federalnoj agenciji za upravljanje oduzetom imovinom broj: 14/2015 od 30.06.2015. godine i Planom nabavki za 2016. godinu.

Agencija u datom periodu nije provodila nabavke iz razloga što u izvještajnom periodu nije obezbjedila kancelarijski prostor i izvršila prijem uposlenika, te se nije iskazala

potreba za istim, a za nabavku službenog putničkog automobila do podnošenja izvještaja, nije dobila saglasnost Vlade Federacije Bosne i Hercegovine.

U periodu januar/siječanj-juni/lipanj 2016. godine odobrena finansijska sredstva su trošena vrlo racionalno i izvršavanje najnužnijih poslova prilagođenih trenutnim potrebama Agencije.

S obzirom na činjenicu da Agencija do dana sačinjavanja ovog izvještaja nije izvršila upošljavanje državnih službenika i namještenika i da je uposlen samo direktor Agencije, analiza planiranih i izvršenih rashoda ukazuje da su ostvareni rashodi u navedenom periodu manji od planiranih tj. da su srazmjerni broju uposlenih.

U ovom periodu strogo se vodilo računa da svi računovodstveni poslovi budu tačni, uredni, istiniti, pouzdani i zaštićeni od bilo kakvih protuzakonitih aktivnosti. Praćeni su propisi iz oblasti računovodstva i finansija u cilju njihove blagovremene primjene i osiguranja što boljih uvjeta za neometan rad Agencije.

4.6. Izvještavanje Vlade Federacije, a po potrebi i Parlamenta Federacije kao i cjelokupne javnosti o procesima oduzimanja i upravljanja nezakonito stečenom imovinom

Na osnovu člana 29. Zakona Agencija je dužna svakih 6 mjeseci podnijeti izvještaj o radu i finansijsko-materijalnom poslovanju Vladi Federacije koja ga dostavlja Parlamentu Federacije Bosne i Hercegovine na usvajanje.

Imajući u vidu navedenu zakonsku odredbu, Agencija je Vladi Federacije, radi razmatranja i upućivanja Parlamentu Federacije Bosne i Hercegovine na razmatranje i usvajanje, aktom broj: 01-105/2016 od 08.01.2016. godine dostavila Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 02.06.-31.12.2015. godine sa prilogom Općeg statističkog pregleda predmeta u kojima je izrečena mjera oduzimanja imovinske koristi pribavljene krivičnim djelom u Federaciji Bosne i Hercegovine u periodu 2003. – 2014. godina. Zaključkom V.broj: 541/2016 od 04.03.2016. godine Vlada Federacije Vlada Federacije je prihvatila Izvještaj i obavjestila Agenciju da ga je dostavila parlamentu Federacije Bosne i Hercegovine na razmatranje i usvajanje.

Parlament Federacije Bosne i Hercegovine do dana podnošenja ovog izvještaja nije se očitovao na dostavljeni dokumentu.

S obzirom na značaj poslova koje su joj zakonom date u nadležnost, Agencija je bila transparentna u svom radu i otvorena za saradnju sa svim međunarodnim i domaćim institucijama koje imaju doticaj sa nezakonito stečenom imovinom krivičnim djelom. Rezultat toga je uspostavljena jako dobra saradnja sa Ambasadom Velike Britenije, Ambasadom Republike Italije, USAID-om, Agencijom za upravljanje oduzetom imovinom Republike Srpske, Centrom za edukaciju sudija i tužilaca i drugim institucijama.

Posebna pažnja je poklonjena publiciranju aktivnosti Agencije vezane za provedbu Zakona kako bi sve relevantne strukture bosensko-hercegovačkog društva kao i međunarodne zajednice imale uvida u učinkovitost Agencije u realizaciji zadataka zbog kojih je i osnovana. Obavještavanje javnosti o radu Agencije vršilo se putem medija kao uspostavljanjem web stranicom Agencije.

5. FAKTORI USPJEHA RADA I RIZICI

Faktori uspjeha Agencije zavisili su od toga koliko je dobila podršku od državnih i drugih organa, javnih službi i organizacija, te činjenice da Vlada Federacije pred kraj izvještajnog perioda dala saglasnost Agenciji na minimalan broj zapošljavanje stručnog kadra. Vlada Federacije je uslovlila da se proces zapošljavanja na početku odvija provođenjem internih procedura, pa ako na taj način Agencija ne obezbjedi minimalan broj uposlenika, da se raspiše javni konkurs odnosno javni oglas. To znatno usporava proces zapošljavanja tako da se popuna u cijelosti sa odobrenim brojem izvršilaca očekuje tek krajem tekuće godine, a što će se bitno odraziti na realizaciju planiranih aktivnosti.

Za uspješan rad u tekućoj godini bitno je da je Vlada Federacije odobrila izdvajanje cjelokupnog iznosa od 500.000,00 KM sa računa Federalnog ministarstva pravde na račun Agencije, a koja su planirana za rad Agencije u Budžetu Federacije Bosne i Hercegovine za 2016. godinu („Službene novine Federacije BiH“, broj 102/15). Time su stvorene finansijske pretpostavke za iznajmljivanje adekvatnog poslovnog prostora (skladišta za odlaganje oduzete imovine i kancelariskog prostora) i upošljavanje minimalnog broja izvršilaca.

Isto tako, za zakonit rad Agencije od velikog značaja je i stvaranje uvjeta za donošenje provedbenih akata za oduzimanje, evidentiranje i upravljanje oduzetom imovinom, tj. objava Pravilnika o postupku prodaje, najma, čuvanja i održavanja oduzete imovine V. broj: 367/2015 od 25.02.2015. godine, koji je na prijedlog Federalnog ministarstva pravde objavljen u „Službenim novinama Federacije BiH“ broj: 5/16).

Imajući u vidu okolnosti da je Agencija u 2015. godini tek počela sa radom i okolnosti pod kojim je radila, bez adekvatnog poslovnog prostora, bez uposlenika, može se zaključiti da je Agencija u vrlo kratkom periodu u cjelosti ostvarila planirane aktivnosti i vrlo povoljnu međunarodnu saradnju koja će joj biti od velike koristi za rad u narednim godinama. Isto tako treba istaći da je Agencija djelovala na profesionalan i odgovoran način, dosljedno primjenjujući Zakon. U svom radu je nastojala da bude vrlo transparentna i otvorena za sve institucije i uvijek bila dostupna da da informacije javnosti o svom djelovanju.

Broj:04-14-58/2016/2016
Sarajevo, 22.07.2016. godine

DIREKTOR

mr. sc. Kenan Kapo